

感恩縣志卷十三

黎防志

黎情

村崗

關隘

撫黎

平黎

序曰感黎附版籍者什九與民雜居無患患在與崖州之生黎切近其出沒孔道有二一自莪茶總路分入陀興必改一自滴麻嶺總路分入嶺頭白沙常出爲患今則異患在熟不患在生以其居處鄰近田園交接往來貿遷易開釁隙故自清末及民初殺掠無間一年官斯土者撫綏制馭當熟籌其計矣

舊志

感恩縣志

卷十三

經政

黎情

一

海口海南書局承印

黎情

漢武帝元封元年始畧地爲儋耳珠崖郡其地有黎母諸蠻環居其下（賈府志）

縣屬分三星美俘大鬃夏黎四種言語有異同皆囂頑無知伏居深山性獷悍不服教化不供賦役以木爲弓以竹爲弦鐵鏃無羽出入不釋手以標刀爲戈以牛角爲角以擊鼓爲樂以射獵爲生誓以熊甲卜以雞蹠器用土釜瓠瓢賒借刻竹爲契劊兩執之最好酒每釀用木皮草葉代麴蘖熟以竹筒吸飲最貴鈴鑼豪強之家有以十數牛易一鑼者好鬪樂亂殺人如兒戲一有仇怨輒手刃之甚則屠牛走箭聯絡各崗攻村搶牛食以鹽爲命仰給於外鹽乏不能一朝居每欲思逞必先儲鹽爲負隅計向時兵器專尙弓矢今已久廢改用火鎗噫鎗碼鎗家置一桿有力者人備一枝每以數牛易一鎗或藥一桶彈鳥擊獸習成慣技發必命中漢人屢受黎患者此也（參府志）

三星黎即皮黎居二甲村男無裸體着衣裳髮髻於前女髻髻跣足着衣穿補其衣裂前幅領扣一鈕其補以紅黃綠三色柳絨及繡花織紋四圍合縫穿而結之親死哀痛之至劊圓木爲棺塋則舁櫬而行男伐嶺爲田園女織蓆爲生活迎婚聘禮取生牛兩頭猪肉六十斤米二石酒

一缸新婦至次日始歸寧候有野胎方返夫家或有不諧者男女自由脫離倘有子女母離而子女仍在俗尙唱崖屬土歌因由崖屬三星移居云（新採訪）

美俘黎男女皆髻髮在後亦皆穿耳帶環但男環白銅而小圈女環黃銅而大圈又男童時薙髮冠者蓄全毛穿左右兩幅裙故俗謂之穿裙黎女穿三色繡花褙頸盤五色粉珠十餘歲以針刺頭面手脚胸細如蟲蛾花卉用青靛塗入刺痕謂之繡面嫁夫家或有失耦者臨屍極哀痛埋塋後便返岳家未歸謂之脫離鬼魂重新別嫁父母不禁同姓不避性最愚善耕田種園自食其力歷來未有殺掠等弊誠化外良黎（新採訪）

大鬚黎男之性質女之粧飾亦與三星美俘大同但男髻髮在前稍大而尖又稱尖鬚黎不着褲縫布兩幅垂蔽下體（新採訪）

夏黎性獷悍不剃頭髮挑分前後由後扭絆回前合盤赤身露腿下體以小白布一條包裹陽物女湮面跣足穿褙帶環亦與各種黎同殺人搶牛時有所聞至赤號長田加堆芭蕉等村其兇加最（新採訪）

又有一種曰苗黎凡數百家今加蕃盛散居縣境者有之性最恭順從無滋事蓋前明時勦平羅

## 感恩縣志

### 卷十三

經政

黎情

二

海口海南書局承印

活抱田二崗建樂定營調廣西苗兵防守號爲藥弓手後營汛廢子孫散居山谷仍以苗名至今猶善用藥弩辮髮衣履與民人同惟婦女黎裝皆能升木如猿不供賦稅不耕平土僅伐嶺爲園以種山稻（黎人仿之）一年一移嶺茂復歸死則火化或懸樹杪風化善製毒藥着弩末射物雖不見血亦死兼有邪術能以符法制伏人禽最爲生熟黎所畏服（參府志）

### 黎村崗凡四十有一

莪茶	拂顯	峨顯	那邊	峨陸	陀皓
雅也	陀寧	抱道	也皓	抱白	皓白
大定	抱透	陀牙	羅橫	莪詐	莪動
抱蔓	陀橫	抱陀	比鮮	比言	也逆
陀累	比道	抱萬	抱匪	陀賴	符若
陀達	滿漲	陀淺	曹咬	陀烈	也道
峨傾	峨淺	抱道	大道解	小抱解	

以上諸黎村古今異名多不可考茲照舊念列載耳

熟黎凡三崗

樓崗

王崗

古鎮州崗

古鎮州崗距縣東北一百餘里內有黎村二十崗

南曰陀類（今不歸該崗管）陀峨 陀乍（今不歸該崗管）魚龍 布套等村

西曰冲忿（今不歸該崗管）羅旺 中華（又名中和）大田 赤浩 陀蠻等村由赤浩經小嶺

嶺出北黎市為本崗出入要路

北曰峨溝（今名月姑不歸該崗管）火坡（今無考）廣埧 毛弄等村

東曰中方 東方 西方 舊村 亞耀等村周圍一百一十里羅旺中華大田毗連與樂妹黎

村相通東接樓崗抱白村南接王崗陀興村（今該崗不管至此疑誤）三崗毗連中有大河可

通昌化

樓崗距縣城東北一百餘里內有黎村十八崗

南曰抱白 抱蔓 抱恩 抱道諸村

東曰抱冲 只寧 只尾 佳腮 抱跳 抱萬 冲莪等村

北曰抱定 莪樂 莪賢 陳龍牙諸村

感恩縣志

卷十三

經政

黎情

三

海口海南書局承印

西曰江邊 富蘊 佳叻諸村周圍九十里抱定村北與儋州伯王崗黎相通只寧村與崖州德

夏黎村相通

王崗距縣城東一百餘里之有黎村六崗

東曰莪葉 西曰陀興 浩壁（二地今不歸該崗管） 北曰莪茶 南曰陀槐 只能等村周

圍一百二十里介在樓崗古鎮州崗之間每崗各有崗長每村各有黎總約束黎衆以上生熟

黎地廣袤九十餘里共三崗三十九村（府志）

古鎮州崗除府志原有各村外今尙加有 北長田 二甲 樂美 樹膠園

新寧坡 天村 吊稿 芭蕉 報尤 安菜 黎長田 玉道 竹林 銃抱 馮丁等十

五村（採訪）

王崗亦加八差 田頭 甘溝 灘崙 谷盖 赤浩等六村（採訪）

按今查考三崗之外南有响水 青譚 陀崙 九炳 內冲 山園道 葫蘆門 中有陀

興（黎漢雜處） 陀乍（黎漢雜處） 浩壁（黎漢雜處） 陀利 陀類 鷄茅利 東京

蘿麻 烏槐 北有大槐 罔外 陀雅 月宮 打榔 冲忿 布隱 赤浩 馬嶺 揚

應 奈都 峨溝七差等地（按南北中黎村尚多但遷徙無常故略無勝載）每村皆有地主（該地主漢人黎人皆有之）每年照墾征收地內居家黎人山地錢糧上納官司並無與三崗管轄地界干涉舊志載古鎮州崗內有陀類 陀乍 峨溝 冲忿 王崗內有浩壁 陀興等地未知是三崗內除原有黎居各地外所有荒曠山嶺照准人民報墾開闢招黎居住耕種征納山地錢糧以充國課抑是該崗長黎目移賣別人抑是古今名稱未同故志之以待後考

## 關隘

延德鎮在縣東南八十里有巡司因廢延德縣而名或云縣蓋置於此又縣門港在縣南（由舊九龍縣故呼爲南）志云縣有南港嶺頭白沙南北溝諸處皆有官兵防堵黎賊又北黎港在縣西北縣南又有抱駕港白沙灣皆濱海水深寇船易人撥兵哨守（方輿紀要）

小黎母山即馬下營山在縣東一百五十里脈接黎婺山至此山峯特竦崖石崎嶇人跡罕至群黎環居其下元時討叛黎嘗駐軍於此刻石猶存又黎虞山在縣東南五十里山高廣黎人虞獵處也（同上）

南港村距城六十里（今按該村距城僅有三十里）村之中段地名嶺頭塘（今按此地距南港村南有二十里）有東西兩巖下有溝二土名雙溝夾岸皆崇山毒箐人跡少至崖州生黎時越九炳山得夏村至此潛伏溝旁或兩山險隘處以鈎刀毒矢伺劫行人甚或出掠民村得卽颺去（按此地今常住有烏槐壩頭內冲濕毛溝等黎村牧牛耕田時常手持鎗械窺伺行人寡則截路劫之）今設棚卡添撥兵勇防堵（防堵兵勇今亦裁之）此爲感恩防黎要害其餘東北境有小嶺農飶（疑今龍臥村）高地等村東路有陀乍陀興白穴等村東南路有漸厚村

## 感恩縣志

### 卷十三

經政

撫黎

### 五

海口海南書局承印

（今加有雙溪口溪子門二處）皆黎人出入門戶亦縣屬要隘宜分兵巡防（府志）

水道二一發源大黎母山流入昌化大河出海爲昌感兩縣分界一出昌化大河分派而來經小黎母山下又分爲小水溝流至縣門港上爲小河入海（同上）

## 撫黎

吳

孫權欲遣偏師取諸州及珠崖以咨陸遜遜上疏論止（府志）

梁陳隋

譙國夫人馮洗氏世爲南越首領壓服諸越收降儋耳歸附者千餘崗（府志）

唐

中宗長壽三年夏六月宋慶禮爲嶺南採訪使時崖振等五州首領劫掠慶禮身履其境諭以大義皆釋仇相親（府志）

宋

太平興國間李崇矩爲瓊崖儋萬四州都巡檢使黎出擾崇矩悉抵撫慰以己財遺之衆皆懷附

(府志)

元

至元十六年朱國寶爲海南四州宣慰使訓兵息民黎人降者三千戶蠻洞降者三十所(府志)

明

永樂四年瓊州屬縣生黎崗首羅顯許志廣陳忠等三十人來朝仍授顯等知縣縣丞巡檢等官賜冠帶鈔幣遣還自是諸黎感悅相繼來歸(府志)

清

順治三年黎首蘇九容就撫黎賊平

道光九年陀崙七戶黎酋廖亞開廖亞對糾匪作亂攻劫南鄉各村男婦死傷甚衆丹村廩生符

漢昭被黎矢射斃月村訓導林開侯亦被黎矢穿鼻民不聊生後經官紳撫綏始獲粗安

二十三年南鄉各村連被黎匪擾亂三年傷害民舍物產甚衆當榕仔村被攻時男婦走入一室致被殺死七十二名口慘不忍言旋由紳耆招撫乃靖

光緒七年三月陀崙七戶黎酋李亞後亞獲作亂招集崖東匪黎燬掠南區一帶及崖屬毗連各

## 感恩縣志

### 卷十三

經政

撫黎

六

海口海南書局承印

村均被騷擾日不寧處所有種植椰子等樹刊伐殆盡後由邑侯協同紳耆調撫乃解

十一年紅水溝黎唐呵鄺因殺漸厚村民一命自畏罪重未赦便倡亂邀結土崙七戶烏槐等村

黎攻破漸厚村房屋財產盡被焚掠無存及殺十餘人知縣潘志賡匿未報被崖州知州先稟撫道令責志賡削職留任招撫黎人了案(採訪冊)

二十一年三月初四日陀崙七戶黎酋李封發利作亂糾匪燬殘漸厚舊新二村新村石良玉一

家被傷老幼男女六七人並傷全村十餘人共傷二十八人二村宅舍一切無存迄二十六年

崖州都司鄭琮熊招撫其亂乃平

二十九年稍有黎匪伏在山嶺搶掠各村村民恐慌採薪均持械巡防時陀利黎仔擔竹崗出漢

途中遇本廉村民巡哨誤拏毆傷網送官廳押獄病故陀利黎憤懣不平挿血糾集鄰近諸黎爲亂日夜攻掠知縣聶宗詩着諭本廉紳士陀利黎首調解本廉捐傷過甚執不肯就宗詩將

車役冒本廉紳士和之後黎人覺詐復擾如故知縣王金綬嚴令本廉陀利雙方親遇解結始得粗安

三十一年縣境歷十餘年久匪黎猖獗地方蹂躪太甚知事李光宇稟請道尹十一月調營官李

有明周兆雲統帶瓊軍第二第三兩營兵紮板橋村募鄉勇一百名爲向導派縣城人五品軍功趙友陞管之會同進勦鷄毛應村瓊軍畏怯不戰先退鄉勇在後遇伏戰死友陞及鄉勇三名光宇稟聞道尹吳榮援例給友陞體卹銀一百兩鄉勇每名五十兩更調砲隊帶開花礮二門劈山礮一門飭掃穴殲魁方准撤軍未久吳榮丁艱去任新道尹多齡以有明兆雲出師半載無功主於撫有明兆雲爲官職攸關出己財賄買黎人就撫塞責黎勢從此愈兇三十四年下水黎首符士光與龍臥村有隙執仇糾黎搶劫民不安寢知事劉鴻恩親臨黎界招撫患方解

### 平黎

漢

武帝末黎蠻攻郡殺太子孫幸幸子豹率衆討平之

唐

乾封初瓊東南諸鄉沒於山崙蠻至德宗貞元間凡一百二十四年嶺南節度使李復統兵收復德宗時珠崖黎民三世保險不賓遣嶺南節度使杜佑討平之

### 感恩縣志

#### 卷十三

經政

平黎

七

海口海南書局承印

宋

咸淳六年瓊黎犯邊以欽守馬成旺征之成旺與子撫機間關數十戰恢復省地乃命撫機顛筭寄截黎出入諸崙始不敢肆

元

至順元年以來東西黎皆亂至是始命參知政事完澤督師汝揖進曰黎獠不率教降而叛者屢矣今亂已四年度我厭兵必出而納欵其人多詐不可自遺後患若乘其懈奮兵進擊當草薶而禽獮之絕其根株患乃可止也汝揖請先死於賊完澤壯之旣出阻於反間完澤陰受賊金留汝揖守城竟納降而歸

明

洪武二年討平會同及感恩抱來等崙  
宏治十四年儋州七方崙黎符南蛇倡亂擾動全瓊感恩崙黎亦應之攻陷縣城焚學官燬官署人民死傷十七八上特命鎮守兩廣征蠻將軍太子太保伏羌伯毛銳爲大將帥師討賊十五年冬臘大兵至儋刻日頒布四出以昌化軍都指揮周遠率五千人軍昌感當賊衝要南蛇擁

精銳出敵遠與死戰短兵相接手斬賊將先鋒一人南蛇中箭敗走赴水死大軍進據巢穴賊無噍類縣治得平復

嘉靖二十八年崖州知州黃本靜激變黎人那燕作亂屢撫不定巡撫歐陽必進駐雷州調各路兵分三哨中自感恩入左自陵水入右自昌化入刻期齊集抵其巢斬賊五千三百有奇

崇禎四年昌化落洒崗黎符那恩叛昌化逃民王生爲西導感恩逃民蘇弘禮爲東導出行劫打害山土舍王創擒解即押取各逃民潛居黎崗者得王蘇二賊殄滅邑境乃得安枕（舊志）

清

康熙三十年生黎俱反隨時勦滅

三十九年指媽崗生黎王振邦同弟那言那佛因營兵擾害殺死水尾營官兵復向各崗黎首王盆東王仕義王履平等侵犯薄沙寶停樂安諸營盤總兵唐光堯統兵分路征勦勢窮就撫奏聞特命部院大臣暨督撫兩憲按瓊會訊得實梟王振邦等於市文武官弁以激變俱議罪有差唐光堯尋亦革職時感恩石頭崗生黎陳章烈亦乘機出掠附近村市爲鄰境熟黎所殺遂平（舊志）

## 感恩縣志

### 卷十三

經政

平黎

八

海口海南書局承印

道光十二年崖州東黎勾亂本邑崗黎多應之日出焚掠村莊勢甚猖獗後攻入板橋村搶劫財物闖入一停柩家殺死男女十七八口縣城聞耗城守蔣模及武生林受封率營兵及壯丁馳救擊傷匪黎甚夥自此漸斂不敢復肆

光緒元年崖州抱寨村黎符亞殿倡亂邀結倖匪勾引萬州賊酋李有章爲羽翼諸崗響應聲勢大張四年西黎高亞厚符怕凱又起一股結巢永宋營邀亞殿有章攻掠生鐵辦銃知州克星額水師守備鄧國輝率兵勦之亞厚竄去怕凱就撫亞殿自是不時蹂躪西黎深入大歧七年並派賊酋吉文香帶千餘匪黎擾及感屬攻破丹村求雨响土昌厚漸厚嶺頭下園南港文質等村共喪村民數十人亞殿尋被弟怕惡鎗斃怕惡攻劫尤兇悍營兵屢次進勦皆不利越八年十月間三亞里人吉天相林天性詭質出怕惡解省正法十一月怕惡弟偵知怕惡誅率賊黨千餘勢愈猖獗九年兵科給事中戈靖奏聞兵部侍郎曾紀澤兩廣總督張之洞繼奏請開道立縣以夷黎境朝議是之十二年命廣西提督馮子材統辦全瓊軍務駐節陵水築堡凡陽開通井字大路十三年三月遣子候補府相榮相華候補道揚玉書率前軍抵三亞連夜進剿相榮相華率兵一千從羅蓬入參將符堅高率兵五百從大茅入參將馮華都司陳才業率兵



一千從半嶺入知縣石佩瓊率兵五百從藤橋只讓弓入皆越重山峻嶺直搗賊巢大破之斬首八十餘級分軍搜山大索十晝夜深入數十里賊墮崖落澗死者枕藉吉文香逃逸購線獲之解大營正法諸崗震懾薙髮投誠鑿山開路奉命惟謹會玉書佩瓊卒於軍四月撤兵還張制軍亦去任黎崗立縣事竟寢而黎伏不敢動者亦有二十年

十一二年間邑屬古鎮州崗黎羣起爲亂攻劫無虛日隣近鄉民咸羅其害崖州藤橋人陳老佳倡集鄉兵由崖路進勦斬馘甚衆自是黎人懾服不敢復出爲患幾二十年佳後遇誣被害鄉民悼惜之

民國初附近民村邊陲一帶熟黎因清代營官李有明周兆雲等戰無胆畧師敗永和後藐視兵民愈行兇悍漢人所有山地田園皆霸佔耕作不納糧租元年十一月間個力村黎劫抱利村民牛被擊斃一命反誣謀害迫賠償該村畏其兇燄在二年五月初五日允如所勒送牛酒雙方盟誓息事黎人詐計屆盟時擄該村民數人初六日又糾集黎衆大行劫掠該村民憤極結聯白穴大幹新村諸村籌備器械協力攻剿連破七八村并夜間潛伏嶺中待晷戰佯敗誘至坦途伏起夾攻擒斬不計其數黎人震懾賠款投誠竟有十餘村而縣境賴以安靜不罹黎害

## 感恩縣志

### 卷十三

經政

平黎

### 九

海口海南書局承印

皆蒙數村民人之力矣

三年丹村廩生王槐甲家被賊盜竊牛畜經鄉民跟踪捉實栢槐村黎匪李亞乙僉議懲罰乙不伏蠻行抗拒即移居山園道村糾匪爲亂肆行劫掠民實不堪因呈請知事黃炳煊率隊痛勦攻入其村諸黎懾伏願請敵血和解炳煊乃親臨盟和尋誘黎酋送出佛羅市將其網罰乃行了結迨乙卯年該黎又背盟復亂大擾漸厚月塘等村月塘旋被攻散知事陳章南據報親率軍隊抵佛羅市招集崖感鄉民協同攻破其匪巢崖屬翁公頭村黎匪勢窮歸順地方始得安靖

### 黎防條議

太守賈棠議云查瓊州素無山賊出沒止有黎人爲患細閱瓊志平黎議黎諸論議雖云黎性難馴實皆奸徒唆煽勾引有以致之前代王璉之亂因兵備道龔錫爵誤聽招撫以致受欺近年王振邦作亂撫黎同知何斌復往招撫受其愚弄皆彰明較著者蓋黎人蠢爾無知其爲亂也皆由奸徒煽惑彼利於黎人爲亂得以從中攫利方其蠢動之時赴官力任招撫圖騙委牌公然出入黎崗無復顧忌反將官兵情勢進剿機宜告之黎人更教以拒敵之策導以搶掠之方

官府倚爲心腹賞給銀錢黎人恃爲細作酬贈財物甚且捏寫黎人寃狀開列某官騷擾某役需索有實跡者得賄而削名有讐隙者羅織而入欵官府恐黎人之擾亂奸徒利黎人之狂逞及至亂萌又惟恐就撫之速無以取利多方設法阻隔迨日久猖獗終必剿戮而後得平此輩又陰陽反覆煽惑長奸真有不可名狀者從來安黎無善策惟有平日無事則嚴其盤詰禁其騷擾一旦有變則朝發夕剿無使滋蔓隨剿隨撫誅彼元兇宥其餘黨恩威並施平定易如反掌若誤信招撫遲疑不決遷延日久諸崗響應勢難解散斯時言剿所傷實多（府志）

韓俊奏稿畧曰爲今之計莫若革去土舍崗首立以州縣屯所量撥在外軍民雜處於中爲防引開闢五指山十字道路均通四處往來遍立地方更甲嚴爲法制禁約除軍與餘丁外餘人有持弓矢者就令更甲擒拿赴官問邊遠充軍自然數年之後老者棄弓不持小者忘弓不習武藝自廢禮樂方興雖有官吏生事剋剝亦得如州縣小民隱忍甘受誰敢倡爲亂階今土舍崗首皆仗貨利肥家逢迎府縣聞欲立州縣屯所彼愀然不樂或又妄生異議然以事理觀之必如是而後可（賈府志）

巡道林如楚瓊島圖說昔之畫黎圖者以征撫爲入門開十字路爲實地今水會地（萬歷年間

## 感恩縣志

### 卷十三

經政 黎防條議

### 十

海口海南書局承印

所開黎崗）撫綏有官守禦有所敷教有塾通商有市民黎熙熙已隱然州縣規模而又據諸獠腹心矣東通萬陵西達儋感北出瓊定十字已丁矣若踰五指而抵崖招村關村招崗關崗山澤通氣渾沌自判如解凍之後蟄蟲悉啓戶而出則全島輿圖豈僅十三州邑已哉（縣舊志）

參將俞大猷圖說黎岐居三州十縣之中與吾治地百姓魚鹽米貨相通鷄鳴犬吠相聞出劫鄉村最爲便易我兵旣集千谿萬徑皆可以適其巢穴無一次不收其成功卽今經戮村分其遺類不甚多以其遺地移吾兵民雜居之則其子孫耳濡目染乎吾民之言語習尙皆可化爲百姓矣惜乎自古以來皆上首功於賊勢方張之時而不能駕馭於摧敗之後能捐大征之財數十萬於賊未平之先而斬經略之財數萬於善後之際彼其長養聚積之久復如前日之盛一有所激復聚爲亂仍動大兵以勦費用之多殺戮之慘元氣之傷亦其勢之所必至耳本職歷遍各崗備覽形勢撫諭各黎熟察其情果見近今經剿地方於羅活崗宜立參將府遷崖州千戶所於其內抱顯村宜增設一縣古鎮州宜立屯所各有絕黎田地可酬剿平之功仍各築城穿池以垂永久之規又各不經剿黎峒合先區處以杜後日之患如儋州之摧抱村宜遷鎮南巡檢司又撥儋州千戶所官一員軍一百名陵水之嶺脚崗宜遷藤橋之巡檢司又撥南山千

戶所官一員軍一百名瓊山之沙灣城宜新設一巡檢司及撥海南衛官一員軍一百名各協鎮之以弭其將來之變仍各築城穿池以爲他日立州縣之基又各城池之中俱蓋參將衙門以便周流巡視若夫道路宜通者則南北取直徑過遷設驛遞以便官民往來又羅活城宜暫圍打手五百名推抱嶺脚沙灣城宜暫圍打手二百名各於鎮壓之中寓招徠變化之術間有梗化不馴之徒相機設計去一二村以警其餘五年之後事宜已定漸次制其土舍行令更爲里長該管黎人就編屬之以爲甲首納糧之外不得再加差役其各州縣印官務將管下黎人嚴禁童女不得如前涅面紋身男人務着衣衫不得如前赤身露腿其首各要加帽不得如前簪髻倒顛各村黎童之幼小者設社學以教之使其能言識字每一年之間守巡官查考各州縣官變化各熟黎幾村招撫過生黎爲熟者幾村具呈撫按衙門以爲殿最如此經畧漸次舉行熟黎旣不得倚生黎以爲禍土舍亦不得假熟黎以生奸不數年間皆登州縣之版籍矣（賈府志）

海忠介平黎疏云奏爲區處兵後地方以絕後患圖久安事臣竊見瓊州一府顛顛獨居海中其地綿亘一千餘里黎岐中盤州縣濱海環於外譬之人黎岐心腹州縣四肢黎岐爲寇是心腹之

## 感恩縣志

### 卷十三

經政 黎防條議

### 十一

海口海南書局承印

疾也心腹之疾不除將必浸淫四潰而爲四肢之患州縣無久安之理古先聖王之治遠方寇亂征討去不窮追蓋施之要荒之外與中國有所阻隔之地若瓊則內之黎岐與外州縣百姓雞犬相聞魚鹽米貨相通其間雖多峻嶺叢林彼之出入來往自有坦夷道路自國初至今日除戍守軍民兵截殺并整飭兵備道督兵鵬剿不計外兩廣巡撫都御史上請宏治十四年征儋州昌化縣黎嘉靖二十年征陵水縣崖州黎嘉靖二十九年征感恩縣崖州黎凡三大舉矣每舉調兩廣官兵十餘萬費銀數十萬兩前後屯兵防守騷害居民或三年或四年後止然竟不能使黎寇讐服迄今劫村殺人無歲月無有臣生長於瓊旣聞黎患痛瓊民歲月羅害虛費陛下兵糧迄無一臣爲地方長久計以紓陛下南顧之憂者請爲陛下言之夫瓊地瓊山縣處其北崖州處其南萬州處其東昌化縣處其西自瓊山縣轉西歷澄邁縣臨高縣儋州昌化縣感恩縣至崖州計程一千一百里自崖州轉東歷陵水縣萬州樂會縣會同縣文昌縣復之瓊山縣計程九百四十里是瓊州府自南徂北自東徂西以圍三徑一計之大約七百里程也臣嘗博訪附黎居慣行黎村人民近日大征踏路官兵皆稱自崖州羅活崗抵瓊山縣大坡頭營三日可至是黎岐盤踞地不過方四百里而已區區方四百里自國初以至今日殘害國家赤

子若此之毒而無已調用國家官兵若此之衆費用國家錢糧若此之多兩廣有巡撫都御史總其權瓊州有兵備副使專其事嘉靖十九年以來又有守備參將之設迄不能一施剿撫安輯吾民何故武臣憚難畏寇文臣養望待遷圖目前苟安不爲地方永久謀慮黎小寇害則隱匿不申黎大寇害調兵又苟且奏功姑以應事塞責瓊郡誌書歷載識者開道立邑之議又載宏治十四年大征議及此而未行爲深憾彼非明知之也而莫或行焉聞有志立功業者亦慮事掣肘難行邀功起釁之說禍隨可懼欲舉而止無一人竭材力盡忠實心爲久遠計爲陛下擔當事者黎寇稔知之習竊卑笑之是以大兵一退即旋轉耕其田處其地數年生長積聚仍前爲州縣寇害不少衰止若使威震疊不日此亦可以奏功蒙顯賞擢從而計久長開通十字道路設縣所城池中峙參將府兵備道則立犄角之形成蠶食之勢矣日摩月化今日寧復有黎乎夫得黎無益於地方處黎或周於計畫謂不足州縣置之可也黎人居處皆寬廣尙場耕作皆膏腴田地非得地不可耕而食文昌縣斬脚崗等黎瓊山縣南岐崗等黎今悉輸賦聽役與吾治地百姓無異儋州七坊崗今亦習書句能正話以此例之非得人不可畜而使黎固守方四百里地也凡我兵征討無一次不擣巢穴無一次不收成功故臣嘗以爲宏治十四年

## 感恩縣志

### 卷十三

經政

黎防條議

### 十二

海口海南書局承印

開道立縣可無嘉靖二十年大征嘉靖二十年開道立縣可無二十九年大征後開道立縣可無俟歲歲鵬勦年年守戍諉之曰地土險惡勞師無功藉口聖王不治遠人之說者皆庸人苟祿偷安不肯身爲地方當事託詞也往不可諫矣今距大征僅三歲兵威之震懾於黎人尙存遺黎之生聚猶寡開道立縣今日可及爲也不然數年後必一大變一大變必用兵十餘萬必費銀數十萬兩必殘破地方必毒痛赤子功虧一簣坐失事機陛下將奚取哉臣雖未嘗手操弓刃地方變故區處事宜則習聞知矣倘得專任其事馳驅兵革之間俾黎土盡爲治地黎岐變動盡爲良民臣亦能之事如不效請甘服上刑以謝欺罔虛費兵糧之罪第臣平昔濡染翰墨之人一旦言及軍旅似可駭聽夫瓊固有兵備副使之設矣於此不爲是謂虛位伏乞陛下明敕群臣中知識事機力可大任不貪富貴志在立功者以之充兵備副使以專治黎之任瓊去京師萬里當事請裁或致遲悞設縣立所限其大槩乘機審勢聽其便宜凡一切招民置軍設里建學遷創縣所屯田巡司驛遞諸事宜許撫按臣等從中節制年年借用許其調廣西土兵廣東漢達官軍打手約四千人值變故許其調用約萬人量撥大征銀糧之半以充其費陛下三年考其成立之七功年稽其變化之效必得專任之柄寬其行事而又功少不完不遷

其官事少不效必重其罪欲不盡心力而爲之不可得也永絕禍根遺安萬代省國家無已之費紆陛下拊髀之憂可計日見矣經略瓊州計無有過於此者諸臣無有一爲陛下言之一爲陛下任之臣每痛焉伏惟皇上採納臣言勅兵部咨行兩廣撫鎮衙門會同巡按守巡其官從長計處則地方幸甚生靈幸甚（阮志通）

海瑞上兵部條議七事一黎岐所居之地雖有高山峻嶺其中多平行崗場膏腴田地可闢之以立縣所者甚多今據大征剿後皆人所常行共見者則崖州羅活抱由村感恩古鎮州陵水郎溫崗瓊山大坡頭營儋州七防崗凡立縣遷縣必先置所移屯其不必立所者亦宜撥軍兵數百名防守俟黎平後議撤其凡揚磨贊二村之間乃東西南北之中可立一大縣遷海南衛並兵備道參將府於中使東西南北皆可以控制黎岐且與新立縣所爲虎豹在山之勢（賈志）

一感恩土瘠民苦耕作亦非要害可遷於古鎮州會同邁澄二縣亦非要害似可遷於附近黎崗

一各州縣巡檢司非要害者皆遷於新立所近者或衝要里社以爲關防

一海南衛十一所屯田正以防禦寇也今其地附近之黎登版籍爲良民久矣屯軍一無所爲

## 感恩縣志

### 卷十三

經政 黎防條議

### 十三

海口海南書局承印

可撥其田爲民田遷軍餘別營屯田於黎屯中

一崖州昌化二所在州縣中其旁州縣居民熟弓矢常時皆能自禦海寇無俟於本所官軍今若遷崖州所於羅活崗則去崖州止一百里遷昌化所於古鎮州則去縣止七十里內可以制黎岐外亦可以禦海寇

一黎人獷悍不肯歸化者爲距州縣遠向化無由并爲奸人所阻隔者亦多今若區處羣黎當先其易而後其難既得其易輒立縣所則難者欲爲亂而無羽翼我勢既壯則彼當向化矣一黎岐歸化當編其崗首村首爲里長所屬之黎爲甲首出入不許仍持弓矢原耕田地聽從其便其山林可開墾者并絕黎田地宜招方外無業民耕作結爲里社與黎岐錯居（俱同上）

海忠介平黎圖說（圖佚）

云黎獠之性不常今雖帖然無事而動卽生難者去州縣遠而不霑治化

也東西南北之路不通州縣不立則嵐瘴終於鬱結雖名山大川與生人均歸淪棄彼舍幽戴髮何由見天日乎故今日莫急於開道路蓋十字之道昔人籌之審矣未有能設誠致行者如欲行之則必按圖而計其道之遠近開其間已闢未闢之多廣與夫人力之何以用與夫費用

之簡與繁與夫工力之何以起何以成夫借力於客兵借費於異郡將動衆數千經費數萬積數十年爲之不可得也黎人不善抗而善猜未發端而令之猜疑或因以生亂亦數十年爲之不可得也計莫若善馭土舍酌用黎兵夫生黎渾沌未剖刀耕火種原無他覲而動之靜之者惟熟黎所謂彼其言語相習技力相當性情相合用能致其死命爲所得爲而不之疑是故謀不可不先定也爵賞不可不懸也法令不可不必也請擇於四方酋中有智能爲村崗所信服者招之以爵賞示之以信義寄之以心腹而後責之以成功故熟黎與生黎輔車相倚原無利於闢道立縣要以爵賞懸於前利害迫於後堂堂三尺敢有擅違且必令開說誠信使生岐知官原無他意一有歡諾若雖分外魚鹽無不可捐每四面開來東西橫之南北橫之要於中央相接自南吉而南徙新招之草提等岐以達磨羊磨贊直抵崖之凡陽以斷五指左臂崎嶇之處不過二百里由儋之青寧營以達莪茶等崗以合草隄磨菜直抵萬倉以過萬之長沙營以斷五指右臂中間攻苦之處亦不過三百里然據林兵憲圖記稱十字已丁則東西北之路旣已無梗而南之一道可無慮也須令各處土酋各編本處土兵輪兵出力每人口不過數日日各有糧各依略指授每日一道可用五十人險夷相準日可闊二里每道用官兵一百五十人

## 感恩縣志

### 卷十三

經政

黎防條議

### 十四

海口海南書局承印

分大小營開進五十里即下一子營兵五十名防守進至百里置一總營兵一百名防守又進五十里下一子營而移前子營之兵以守又進一百里置一總營而移前總營之兵以守謂之連珠營又須令四方營道相通可使倉卒援應黎兵出衆力以開先官兵養全力以守後總計四面日用二百人人日支給二分總計四面日費四十兩一年可費一千數百兩而已成績矣不愈於師行數萬日費千金耶然後於四方之中立一大縣并移參將府於中間其撥補錢糧可隨時暫從區處仍急立寨學延師訓導各營及各處村崗皆立社學訓誨其客兵外民有願徙居使雜處之久當漸染言語文字責以換黎服而衣冠每崗各立保長里甲編入戶口各食本田使供賦當差不數年間皆良吏矣山澤通氣文明自現行之而效又安見太平之福不坐享於朝廷哉（忠介文集）

忠介自識云此區處黎岐大畧也若審勢相地潤澤在人則又不能盡一一如圖說者中間用參將俞虛江處黎圖說話蓋虛江守備瓊崖日久熟於黎事其語不可易也虛江謂誌書元人平黎之後割瓊山之南樂會之北添絕黎田土增立會同定安二縣今之抱顯獨不可以立縣乎此尤足破庸人謂不可惹禍之謬又圖說中里數此就廣東舖遞言之也近行北方多次屢問

北人大約北方每三十里止可有廣東二十里若如北方則瓊州府又不止三千里矣（同上）  
參將黎國耀條議二事一議撫剿夫瓊岨環海悉爲編民惟黎岐獨屹然中處蠱茲醜虜非有堅  
甲利兵可與中國抗衡顧往往激於讐怨勾以流徒潛伏山林時出剽掠且種類繁多此服彼  
叛兵至竄匿無踪師旋糾聚如故誠如禽獸安知信義不重擊之其禍難厭第當分別淑慝毋  
令相煽而起又其地羊腸鳥道未易遽入瘴氣毒水觸之輒病惟當於稔惡不悛者擇一二崗  
簡率師徒堂堂而進除道緩行安營休養創置火器以爲前鋒彼必不敢逆自當引避逃匿我  
師旣入傾巢穴焚其積聚結營爲久屯計彼進不敢退無所掠將見斃於荒谷之間仍遣土舍  
遍諭諸崗不得以窩容取罪務使醜類殄滅殆盡則各崗且望風震慄受事恐後謂非戮一崗  
以爲千萬崗懼耶（蕭志）

一編保甲瓊州等縣原設有牌門鄉盟兵擇其豪者爲鄉勇哨官或保長以領之村落大至百  
餘人小亦不下數十人聞警息卽聽有司調集協同營兵防禦以故寇多不敢犯近因宦家買  
置庄田名曰宦庄一切佃丁鄉盟人等概獲優免既有警叫調不應甚者又有豪奴悍佃窩匿  
逃亡奸盜莫可究詰而各宦庄亦瓜分勢寡不能自衛遂至束手無措頃者定安光螺嶺上下

## 感恩縣志

### 卷十三

經政 黎防條議

### 十五

海口海南書局承印

之事可鑒已夫前事不忘後事之師也今督撫令撫黎官親履各地方核其戶口稽其生業無  
論勢宦一概佃丁廝役鄉鄰盡籍其壯者爲兵其中有行能者僉爲鄉勇哨官次爲保長分領  
其衆除農隙講武外無事不許輒行差遣遇有黎岐出沒集衆防守悉聽有司營官調發敢有  
仍前抗違閃避者究治庶家自爲守人自爲戰而地方可保無虞矣（同上）

姜焯論曰按感邑港口并黎崗情形竊以爲嶺頭板橋八所三港最爲要害宜添兵防禦并令水  
師沿海遊巡則水陸兼防猝有海艘乘風飄突何難滅此朝食至於感邑黎岐與民計之十分  
之四向附版圖不足爲患患在崖邑生黎從莪茶滿麻二總路出入擾害勾引煽惑彼卽畏勢  
脅從若令各州邑防黎有法毋使狡焉啓釁則黎之附籍於感者胥束手向化矣（舊志）

條陳雜議

附

姜焯詳郡議曰竊念瓊崖州邑孤懸海外中具黎岐民情土俗迥異內地雖爲治之道隨地所宜然大經大法古今天下所同職受事以來感恩土瘠民疲更與他邑殊絕日夜思維難以急圖補救將卑縣各項錢糧耗羨盡行革除以冀稍舒民力外尙有地方頽靡惡習如輕視聖諭凋喪文風商豪盤利錮婢賣姦等事關乎風化攸繫民生其風俗頽靡敗壞固非一日而由漸而興救之端在一時不揣疎愚妄陳末議四條迂而不切敢效芻蕘懇賜俯鑒嚴飭通知或有裨益不獨感邑士民仰沐憲慈而各屬亦均霑交頌於萬禩矣爲此今將末議逐一備列於後

一宣講聖諭爲教民首務但每遇朔望竊見士民聽者寥寥如或各勤本業無暇赴聽豈終歲之中乏此半日餘閒又四鄉散處之民或路遙莫至而附近城郭者亦槩裹足不前此皆無知不識藐視不赴郡城之內上憲躬親宣講尙如空谷足音其他州縣無不徒應故事更不待言豈不有負朝廷教民爲善之至意并虛各憲諄諄化導之盛心合請通行各屬每至講期着該地里保傳集士民聽講兼行舉獎節孝懿行示以勸懲之法庶幾人知遷改漸可易俗移風

一瓊南地居絕徼聲教所被與中國有先後之分至禮樂文章自丘文莊公已往闕無其人至

感恩縣志

卷十三

經政

黎防條議

十六

海口海南書局承印

感邑又距郡八百餘里所有一二子遺鳩形鵠面不異木客山魃文風凋敝迨更甚於他邑歲科額取爲外籍濫冒什之八九闔邑之中求一名登甲榜者如祥麟瑞鳳卽食餼鄉薦者俱被外府冒竊幸遇各憲協贊右文之治卑縣敢不力圖振興先行捐俸鳩工整飭學舍以爲士子發軔之地屆今歲試伊邇另議詳懇嚴禁冒籍外現在捐備束脯敦請生員曾相鼎於學宮兩廡開設義館本邑生童報名就學卽槩免本身雜差俾專心肄業隨牒儒學校督課程務期日就月長稍振文風合請通行闔屬多設義館嚴禁冒籍實力奉行將見家絃戶誦不難與鄒魯同風矣

一民間偶有匱乏借貸典當勢所不免詎料瓊屬有等外來惡商影借聲勢本地土豪罔恤粉榆遇有貧民急需偶向此輩借貸無不加二加重三重利盤剝未及週年利浮於本一時無力清償稍有不遂控告雜職衙門公私煨燼每每准折子女畜產償人者年年加息歲歲輸租終於重利難清竟至人財兩失如此之類不可枚舉合請通行嚴禁凡民間借貸須遵律文每兩每月三分起息雖年遠疊算不得利過於本及逼討債不許訐告雜職衙門裨益民生實非淺鮮一瓊俗淫穢之風驟難訓化先除錮婢賣姦亦猶醫疾治標之法此邦士庶之家購蓄婢女倚



之日趨幫家年已及笄令其出外販賣菜菓檳榔爲名一任悍兵惡少當街調笑人不爲怪隨地宣淫王不知恥婢女暢遂所私家長靦受其利甚至所生男女不知誰氏之子年近知非唯知人盡其夫若謂遺風自古而然法律今不能禁未之敢信合請通行嚴禁凡民間現在所蓄婢女年十六以上者勒令擇配使合正夫婦之倫即日走街坊原屬有夫之婦彼此各有嫌忌況本夫亦未必甘心於此庶幾淫風少戢如有不遵仍然錮縱令出街勒交日子錢者着里鄰保長舉首按治以抑勒通姦之律婢女卽斷令出戶如互相容隱別經發覺一體治罪地方結次查察不唯洗滌淫穢由此可挽頹風已上四條通祈鑒採通行如或更賜良法則雖遐荒輦譬之域永沐再造鴻庥矣

焯蒞任九龍七載於茲幸遇道府各憲廉明慈惠教育士民化行俗美邇者因公赴郡得見中憲賈公爲國育才聿興義學朔望宣讀聖諭繪圖懸示復刊譯成書多方曉諭習俗漸靡而所過各州邑亦俱蒸蒸丕變視予蒞任初大相懸絕語曰君子之德風又曰德之流行速於置郵而傳命海南雖僻處避遠固知移風易俗要在爲民上者之有實心實政也

姜焯懇請復額詳曰感恩彈丸小邑僻處海隅人戶不滿八百田土拋荒失業一二鵠面鳩形類

## 感恩縣志

### 卷十三

經政 黎防條議

### 十七

海口海南書局承印

皆耕多讀少以致文風頹靡武技疎畧恭遇我皇上崇文右武屢頒廣額之殊恩憲臺過化存神大沛作人之德意正多士懽騰遐邇欣戴之日也第感邑歷來歲科文武兩試俱照例取錄每試八名並無缺額惟前案試取武童缺額三名誠恐相沿爲例則下邑人文難以丕振伏祈俯鑒荒殘小邑大開作養弘慈因地取材仍復八名之原額扶衰起敝振興一代之干城諸童食德無窮下吏叨光不淺矣

姜焯申詳崖州憲協曰竊炤僭崖二州撥協感邑銀兩刊刻全書由來舊矣儋州額撥銀四十兩在於舖稅田租項下徵解遞年撥協無異惟是峴州撥銀五十兩

卑職

自康熙三十七年歲

終蒞任歷關崖州從無撥到詢之經承據云向於縣官役俸食內通融墊解以副考成考之舊案康熙三十年間曾經前任李令通詳蒙前任藩憲轉詳撫憲內關協銀五十兩續奉改充經制官兵糧食已在崖州起運項下報銷而感恩之額未有删除是崖雖有協感之名而無協感之實先於編輯全書案內詳奉批行删除續因新編全書刊刻無從更正感額仍懸以致小邑官民賠累奉前任撫憲朱批全書既經停刊此項憲無着應否咨明內部更正一併確議詳奪經前任羅令復經通詳奉前撫高批司查議經羅令議覆有案亦未奉批結至

卑職

於康熙

三十八年備關崖州准據覆稱案查三十二年蒙本府信牌奉前任撫憲批布政詳覆崖州撥協銀兩已入該州起運項下報銷感恩縣志書失於刪除以致仍懸其額必須詳查原委始便咨部刪除但粵東向因僞逆盤踞案籍焚燬無從稽考誠難憑空議詳緣由奉有既無案卷可查自難蒙混咨部如詳轉飭遵炤之批是此項銀兩先經查案纍纍究屬如縣雖歷任各官役俸食內如墊抵解不過權變一時似非經久之計卑職伏查僞逆事在康熙十四五年至檢閱前任李令詳稿內稱康熙二十八年編輯全書奉行刪除續因新編全書停刊未獲更正之語是此項銀兩當日編輯全書之時在崖州業奉刪除與感邑本經減額事隸藩憲必有成案且年未久遠尙可稽查伏乞憲臺俯賜轉詳藩憲歷稽查前案窮原溯委或應崖州撥協補頂或邑刪減全書則疑項不至混淆庶錢糧自無空懸矣